

797—804 FAMILIA AUTEM N. IAM VOBIS OMNIBUS IN CHRISTO SALUTEM, MAXIME TAMEN TIBI, QUI ES ABBAS VEL ABBATISSA ECCLESIAE TUAЕ COMMENDATE IN DEO.

Rogant enim omnes unanimiter fratres nostri¹ cum consilio^a episcopi sui², ut suscipiatis fratrem istum, qui est portitor litterarum istarum, cum benignitate et caritate Dei; et si quid cum negligentia aut cum inobedientia sua deliquit^b, ut dimittatis ei. Recordamini, quomodo nobis omnibus sermo divinus clamat et per semetipsam
Matth. 6, 14. 15. veritas dicens: Dimittite et dimittetur vobis; si non dimiseritis hominibus peccata eorum, nec pater vester celestis dimittet vobis delicta vestra, et in qua mensura mensi fueritis, remetietur vobis^c.

Vale valde pollens prospere in commune cum tuis, kare in Christo.

300.

Alcvinus Aedilburgae abbatissae Flaedanbyrgensi, Offae Merciorum quondam regis filiae, pro muneribus missis gratias agit. De regum iniuriis eam consolatur. Addit de omisso ab ea itinere. 797—804.

Codd. H fol. 22'—24, T* fol. 103'—104, A I* p. 164—165 n. 116^a.

Edd. Q 100, F 147, J 229. — Migne col. 468.

ALBINUS EUGENIAE³ FILIAE VIRGINI CARISSIMAE IN CHRISTO SALUTEM.

Litteris dilectionis vestrae acceptis et dulcissimis cum gratiarum actione muneribus, valde laetatus sum in fide et caritate vestra. Auditisque tribulationibus, quas non solum vestra innocentia patitur^b, verum etiam pene omnis servorum Dei multitudo. Quia reges⁴ vobiscum tyranni facti sunt, non rectores; nec ut olim reges a regendo⁵,
Ps. 33, 20. sed a rapiendo dicuntur. Sed forti animo esto — 'multae sunt enim tribulationes iustorum' clamat^c psalmista — ut consequi valeas quod sequitur: 'sed de his omnibus liberabit^d eos Dominus'. Et Dominus in evangelio: 'Tradet frater fratrem in mortem' et cetera; 'sed in patientia vestra possidebitis animas vestras'. Aurum non splendescit, nisi igne probetur. Iob lateret occultus, nisi tribulationibus probaretur;
Iac. 5, 11. de quo Iacobus apostolus, dum nos ad patientiam hortaretur, ait: 'Iob audistis et
Rom. 5, 3. finem Domini vidistis'. 'Tribulatio patientiam operatur', ut ait apostolus, 'patientia autem probationem, probatio vero spem'. Qualem spem? nisi perpetuae beatitudinis.
Matth. 13, 46. Si margaritam invenisti pretiosam, venditis omnibus eme illam; teneas nec^e dimittas
1. Ioh. 5, 19. eam. Saeculum^f hoc in maligno^g positum. Sunt homines se ipsos amantes, evangelio Christi non oboedientes. Unusquisque viam voluntatis suae graditur, non sequens
Ioh. 8, 12. eum, qui ait: 'Ego sum lux mundi; qui sequitur me, non ambulat in tenebris, sed
Matth. 16, 24. habebit lumen vitae'; item: 'Qui vult post me venire^h, abneget semetipsum, tollat crucem suam et sequatur me'. Crux tollitur, dum per patientiam tribulatio vincitur.
2. Tim. 2, 5. Nemo miles coronabitur, nisi qui legitime certat. Legitime certare est virginisⁱ, ut

^a) consiliis A I*. ^b) deliquit A 1.

300. ^a) Lemma: Ad Aedilburgam, filiam regis Offani cognomento Eugeniam H; Albinus ad Eugeniam filiam T* ad marg.: Epistola consolatoria de tribulatione hominis; Epistola ad Eugeniam A I*. ^b) passa est A I*. ^c) clamante A I*. ^d) liberavit A I*. ^e) ne A I*. ^f) Saeculum — positum om. A I*. ^g) est add. T*. ^h) ven. post me A I*. ⁱ) virgini T*.

1) Turonenses, quibus Alcvinus igitur iam praeerat. 2) Iosephi archiepiscopi Turonensis, ut videtur. 3) i. e. Aedilburgae abbatissae Flaedanbyrgensi, filiae Offae regis Merciorum; v. huius paginae n. a. et epp. 36. 102 supra p. 78 n. 1; 148. 4) Coenuulfus rex Merciorum 796—819, et Eardulfus rex Northanhumbrore 796—809. 5) Isid. Etym. IX, 3, 1: reges a regendo vocati, cf. supra p. 51: A regendo vero rex dicitur.